


BOLETIN  OFICIAL

DEL

OBISPADO DE LEÓN

SECCION OFICIAL

SECRETARIA DE CÁMARA Y GOBIERNO DEL OBISPADO

El Ilmo. Sr. Obispo con fecha 20 de los corrientes se ha servido nombrar Arcipreste de Villafrechós á D. Venancio Martínez Rodríguez.

León 26 de Agosto de 1909. — Dr. Manuel González, Secretario.

LITTERAE ENCYCLICAE

VENERABILIBUS FRATRIBUS PATRIARCHIS PRIMATIBUS ARCHIEPISCOPIS EPISCOPIS ALIISQUE LOCORUM ORDINARIIS PACEM ET COMMUNIONEM CUM APOSTOLICA SEDE HABENTIBUS

PIUS PP. X

VENERABILES FRATRES SALUTEM ET APOSTOLICAM BENEDICTIONEM

(Continuación)

Quibus aliisque id genus ab Anselmo scriptis mirifice delectamur, tum ob instauratam viri memoriam, quo nemo sane huic Apostolicae Sedi devinctior, tum ob excitatam

recordationem coniunctissimae voluntatis vestrae, Venerabiles Fratres, in dimicationis non dispari genere, litteris aliisque officiis quamplurimis declaratae.

Mirum profecto quantum roboris ac firmitatis accepit, desaevientibus longo saeculorum cursu in christianum nomen procellis, coniunctionis ista necessitudo, qua sacrorum antistites et fidelis grex arctius in dies Romano Pontifici adhaeserunt ad haec usque tempora, quibus ardor ille adeo succrevit, ut divino quodam prodigio videantur voluntates hominum in tantum consensum potuisse coalescere. Quae quidem amoris et obsequii conspiratio dum Nos plurimum erigit planeque confirmat, Ecclesiae decori est ac praesidio validissimo. Sed hoc nempe maior in nos antiqui serpentis invidia conflatur, quo praestantius est delatum beneficium; eoque graviores in nos irae colliguntur impiorum hominum, quo acrius hi rei novitate percillantur. Nec enim simile quidquam in reliquis consociationibus admirantur, nec facti rationem cernunt ullam, sive a publicis causis sive ab alia quavis humana re petitam, nec secum reputant sublimem Christi precationem, cum discipulis postremum discumbentis, eventu comprobatae.

Summa igitur ope niti oportet, Venerabiles Fratres, ut apte coharentia cum capite membra solidiore in dies nexu obstringantur, divinarum rerum ratione habita, non terrestrium, ita ut omnes *unum simus* in Christo. Ad hunc finem si velis remisque contendemus, functi erimus optime delato nobis officio provehendi Christi operis et regni eius in terris dilatandi. Huc spectat suavis illa petitio, qua Ecclesia caelestem Sponsam urget assidue, in qua Nostrorum summa votorum continetur: *Pater sancte, serva eos in nomine tuo, quos dedisti mihi, ut sint unum sicut et nos* (1).

Hae autem industriae propositam habent defensionem, non modo contra externas impugnationes in acie dimicantium ut Ecclesiae iura et libertatem labefactent, sed etiam contra domestici atque intestini belli pericula, cuius rei superius incidit mentio, quum dolumus esse genus hominum quoddam, qui subdolis opinionum commentis nitantur Ecclesiae formam ac naturam ipsam immutare pessumdare. Serpit adhuc per hos dies memoratum illud virus infecitque non paucos, etiam sacri ordinis homines, praesertim iuvenes, inquinato, uti diximus, quasi aere

(1) JOAN., XVII, II.

afflatos, quos effrenata novitatis libido praecipites agit ac respirare non sinit.

Sunt etiam in his qui, tardioris ingenii et intemperantis animi spectaculum exhibentes, quidquid affer incrementi dies iis disciplinis quae in adspectabilis naturae investigatione versantur et ad praesentis vitae utilitatem aut commoditatem pertinent, ea, tamquam nova tela, in veritatem divinitus traditam, per summam astutiam et arrogantiam intorqueant. Hi meminerint, incautae novitatis fauturom quam variae fuerint ac discrepantes sententiae de rebus ad agnitionem animi et ad moderandam vitam plane necessariis, cognoscantque, hanc esse humanae superbiae constitutam poenam, ut constent sibi nunquam, et in ipso cursu ante obruantur, quam portum veritatis conspicere potuerint. Sed hi fere ne ipso quidem sui exemplo didicerunt de se tandem sentire demissius atque amovere *consilia... et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi* (1).

Quin etiam a nimia arrogantia in contrarium vitium delapsi sunt eam philosophandi rationem secuti, quae, de omnibus dubitando, quasi noctem quandam rebus offundit, et *agnosticismum* professi cum errorum comitatu multiplici atque infinita prope sententiarum varietate inter se mire pugnantium; quo opinionum conflictu *evanuerunt in cogitationibus suis... dicentes enim se esse sapientes, stulti facti sunt* (2).

Grandibus interim ac fucatis istorum verbis, novam sapientiam quasi caelo delapsam reconditasque discendi vias pollicentium, iuvenum pars labare paulatim atque averti coepit; quod idem olim accidit Augustino, manicheorum fraudibus circumvento. Verrum de funestis hisce insanientis sapientiae magistris, de ipsorum ausibus,

(1) II. Cor. x, 4, 5.

(2) Rom., I, 21, 22.

deceptionibus, fallaciis satis diximus in Encyclicis Litteris datis die VIII mensis Septembris anno MDCCCXVII, quarum initium *Pascendi dominici gregis*.

Illud hoy loco animadvertisse viderit, quae memoravimus pericula, graviora quidem nunc esse atque imminere propius; non tamen iis penitus absimilia quae Anselmi tempore Ecclesiae doctrinae impendebant. Considerandum praeterea, pari propemodum nobis praesidio ac solatio esse posse Anselmi doctrinam ad tutelam veritatis, atque apostolicum eius robur ad Ecclesiae iurium ac libertatis defensionem.

Atque heic persequi omittentes quaenam remotae illius aetatis fuerit humanitas, qui cleri populique cultus, breviter attingemus creatum eo tempore ingeniis periculum duplex, eo quod in opposita extrema decurrerint.

Fuerunt enim inepti homines et vani, qui leviter ac permixte eruditi, cognitionum indigesta mole gloriarentur, inani philosophiae vel dialecticae specie decepti. Hi quidem per inanem fallaciam scientiae nomine obtectam, spernebant sacras auctoritates, *nefanda temeritate audent disputare contra aliquid eorum quae fides christiana confitetur... et potius insipienti superbia iudicant nullatenus posse esse quod nequeunt intelligere, quam humili sapientia fateantur esse multa posse quae ipsi non valeat comprehendere... Solent enim quidam cum coeperint quasi cornua confidentis sibi scientiae producere, nescientes quod si quis aestimat se scire aliquid, noddum cognovit quemadmodum oporteat eum scire, antequam habeant per soliditatem fidei alas spirituales, praesumendo in altissimas de fide quaestiones assugere. Unde fit ut dum... praepostere prius per intellectum conantur ascendere, in multimodos errores per intellectus defectum cogantur descendere (1). Atque horum similia exempla complura hodie quoque versantur ante oculos.*

Alii contra, remissioris animi multorum casu percussi

(1) S ANSELM. *De fine Trinitatis*, cap. 2.

qui naufragium in fide fecerunt, et periculum veriti scientiae quae *inflat*, eo devenerunt ut omnem philosophiae usum, forte etiam solidam quamvis de sacris rebus disputationem defugerent.

Media inter utramque partem catholica consuetudo consistit, aequè aversata et priorum arrogantiam, a Gregorio IX aëvo insequenti reprehensam, qui *spiritu vanitatis ut uter distenti... fidem conantur plus debito ratione adstruere naturali... adulterantes verbum Dei philosophorum figmentis* (1), et horum negligentiam, qui nulla investigandi veri cupiditate trahuntur, neque curant *per fidem ad intellectum proficere* (2), praesertim si eorum officii ratio postulet catholicae fidei contra tot congestos errores defensionem.

Ad quam suscipiendam divinitus excitatus videtur Anselmus, ut exemplo, voce, scriptis tutum iter ostenderet, christianae sapientiae latices ad commune bonum derivaret, duxque esset ac norma doctoribus, qui post ipsum *sacras litteras scholastica methodo tradiderunt* (3), quorum ipse praecursor merito est nuncupatus et habitus.

Quamquam haec non hita sunt accipienda quasi Augustanus doctor primo statim gressu fuerit philosophiae ac theologiae fastigia consequutus aut ad summorum virorum Thomae ac Bonaventurae famam processerit. Horum enim sapientiae seriores fructus multa dies est coniunctus magistrorum labor maturarunt. Ipsemet Anselmus, qua erat modestia sapientium propria, non minus quam celeritate ac subtilitate mentis nihil a se scriptum edidit nisi oblata occasione, aut aliorum auctoritate compulsus, monetque constanter: *si quid diximus quod corrigendum sit, non renuo correctionem* (4); quin etiam, ubi res

(1) GREGOR. IX, *Epist.* "*Tacti dolore cordis*," ad theologos Parisin., 7 Jul. 1228.

(2) In libro II *Epist. S. Anselmi*, ep. 41.

(3) *Brevia. Rom.*, die 21 Aprilis.

(4) *Cur Deus homo*, lib II. cap. 23.

citra fidem posita sit et in quaestione versetur, non vult discipulum sic his quae diximus inhaerere ut ea pertinaciter teneas, si quis validioribus argumentis haec destruere et diversa valuerit astruere; quod si contigerit, saltem ad exerditationem disputandi nobis haec profecisse non negabis (1).

Nihilominus multo plura est adeptus quam aut ipse speraret aut alius quisquam de se polliceretur. Aeo namque profecit, ut eorum qui sequuti sunt gloria nihil eius laudi detraxerit, ne ipsius quidem Thomae nobilitas, quamvis huic con omnia probata fuerint ab ipso conclusa, alia etiam retractata sint planius atque perfectius. Anselmo tamen hoc maxime tribuendum, quod is investigationi straverit viam, timidiorum suspiciones diluerit, incautos a periculis tutos praestiterit, pertinacium cavillatorum damna propulsaverit, qui ab ipso sic iure designantur: *illi... nostri temporis dialectici, imo dialectice haeretici* (2), quorum intellectus esset suis deliramentis et ambitioni mancipatus.

De extremis hisce ait: *Quumque omnes, ut cautissime ad sacrae paginae quaestiones accedant, sint commonendi, illi utique nostri temporis dialectici... prorsus a spiritualium quaestionum disputatione sunt exsufflandi.* Quam vero subdit ratio, apte cadit in hodiernos eorum imitatores, a quibus absurda illa recinuntur: *In eorum quippe animabus ratio, quae et princeps et iudex omnium debet esse quae sunt in homine, sic est in imaginationibus corporalibus obvoluta, ut ex eis se nom possit evolvere nec ab ipsis ea, quae ipsa sola et pura contemplari debet, vale discernere* (3). Nec aliena videntur huic tempori verba, quibus id genus philosophos ridet, *qui quoniam quod credunt intelligere non possunt, disputant contra eiusdem fidei a sanctis Patribus confirmatam veritatem; velut si vespertiliones et noctuae non nisi in nocte caelum videntes,*

(1) *De grammático* cap. 21 su: fin. m

(2) *De fides Trinitatis*, cap. 2

(3) *De fide Trinitatis*, cap. 2

de meridianis solis radiis disceptent contra aquilas solem ipsum irreverberato visu intuentes (1). Quapropter et hoc loco et alibi (2) depravatam eorum opinionem reprehendit, qui philosophiae plus aequo concedentes, ius illi adserebant theologiae campum pervadendi. Huic insaniae se opponens egregius Doctor suos cuique fines constituit utrique disciplinae, ac satis monet, quodnam sit munus et officium rationis naturalis in rebus quae doctrinam divinitus revelatam attingunt: *Fides .. nostra, inquit, contra impios ratione defendenda est.* — At quomodo et quousque? — Verba quae sequuntur aperte declarant: *illis. . rationabiliter ostendendum est quam irrationabiliter nos contemnant* (3) Philosophiae igitur munus est praecipuum, in perspicuo ponere fidei nostrae *rationabile obsequium*, et, quod inde consequitur, officium adiungendae fidei auctoritati divinae altissima mysteria proponenti, quae plurimis testata veritatis indiciis, *credibilia facta sunt nimis*. Longe aliud ab hoc theologiae munus est, quae divina revelatione nititur et in fide solidiores efficit eos qui christiani nominis honore se gaudere fatentur; *nullus quippe christianus debet disputare quomodo, quod catholica Ecclesia corde credit et ore confitetur, non sit, sed semper eandem fidem indubitanter tenendo, amando et secundum illam vivendo, humiliter quantum potest, quaerere rationem quomodo sit. Si potest intelligere, Deo gratias agat; si non potest, non immittat cornua ad ventilandum, sed submittat caput ad venerandum* (4).

Quum igitur vel theologi quaerunt vel fideles petant de fide nostra rationes, non his fundamentis, sed revelantis Dei auctoritate nituntur, hoc est, ut habet Anselmus: *sicut rectus ordo exigit ut profunda christianaefidei, quae mysteria dicuntur, credamus priusquam ea praesumamus ratione discutere, ita negligentia mihi videtur, si, postquam*

(1) Ibid.

(2) In libro I *Epist. S. Anselmi*, ep. 41.

(3) In libro II *Epist. S. Anselmi*, ep. 41.

(4) *De fide Trinitatis*, cap. 2.

confirmati sumus infide, non studemus quod credimus intelligere (1). De ille profecto intelligentia loquitur, de qua Vaticana Synodus (2); alio enim loco sic disserit: Quamvis post Apostolos, sancti Patres et Doctores nostri multi tot et tanta de fidei nostrae ratione dicant..., non omnia quae possent, si diutius vixissent, dicere potuerunt, et veritatis ratio tam ampla tamque profunda est, ut a mortalibus nequeat exhauriri; et Dominus in Ecclesia sua, cum qua se esse usque ad consummationem saeculi promittit, gratiae suae dona non desinit impertiri. Et ut alia taceam, quibus sacra pagina nos ad investigandam rationem invitat, ubi dicit: nisi credideritis non intelligetis, aperte nos monet intentionem ad intellectam extendere, cum docet qualiter ad illum debeamus proficere. Nec est praetercunda ratio quam addit extremam: inter fidem et speciem intellectum quem in hac vita capimus, esse medium, ideoque, quanto aliquis ad illum proficit, tanto eum propinquare speciei ad quam omnes anhaelamus (3).

(Concluírá).

Erección de un Instituto bíblico en Roma

PIUS PP. X

Ad perpetuam rei memoriam —Vinea electa Sacrae Scripturae ut uberiores in dies fructus tum Ecclesiae Pastoribus tum fidelibus universis afferret, iam inde ab exordiis apostolici Nostri regiminis, Decessorum Nostrorum vestigiis insistentes, omni ope contendimus. Instabat enim in primis praesens Ecclesiae necessitas, ex eo maxime parta, quod de

(1) *Cur Deus homo*, lib. I. cap. 2.

(2) *Constit. Dei filius*, cap. 4.

(3) *De fide Trinitatis*, Praefatio.

disceptationibus biblicis confusae essent usquequaque ac perturbatae mentes Urgebat etiam conceptum animo Nostro desiderium, itemque nativum muneris Nostri officium provehendi pro viribus studium Sacrarum Scripturarum, comparandique, catholicis praecipue juvenibus, catholica studiorum subsidia, ne cum ingenti sanae doctrinae discrimine ad heterodoxos, se conferent redirentque modernistarum spiritu imbuti.

His talibus Ecclesiae malis efficacia et nova remedia oppositurus, maioraque studiorum biblicorum incrementa curaturus, illud iam pridem, Leo XIII s. m. animo spectavit, athenaeum biblicum in Urbe constituere, quod altioribus magistris omnique instrumento eruditionis biblicae ornatum, copiam praesertim excellentium magistrorum ad proponendos in scholis catholicis divinos Libros praeberet.

Saltare ac frugiferum Decessoris Nostri propositum Nos quidem avidè complexi iam litteris *Scripturae Sanctae*, die XXIII Februarii mensis anno MDCCCIV datis, monuimus, percommodum Nobis consilium videri huiusmodi athenaei biblici in Urbe condendi, quo «delecti undique adolescentes convenirent, scientia divinorum eloquiorum singulares evasuri», illud addentes, spem bonam Nos certamque fevorem fore ut eius perficiendae rei facultas, quae tunc quidem Nobis, non secus ac Decessori Nostro deerat, aliquando ex catholicorum liberalitate suppeteret.

Itaque quod felix faustumque sit rei quae catholicae benevertat pontificium Institutum biblicum in hac alma Urbe, apostolica Nostra auctoritate, tenore praesentium, metu proprio, de certa scientia ac matura deliberatione Nostris, erigimus, eiusque leges ac disciplinam has esse statuimus.

Finis pontificio biblico Instituto sit ut in Urbe Roma altiorum studiorum ad Libros Sacros pertinentium habeatur centrum, quod efficaciore, quo liceat, modo doctrinam biblicam et studia omnia eidem adiuncta, sensu Ecclesiae catholicae promoveat.

Ad hunc finem spectat in primis ut selecti ex utroque Clero atque ex variis nationibus adolescentes, absoluto iam

ordinario Philosophiae ac Theologiae cursu, in studiis biblicis ita perficiantur atque exercentur, ut illa postmodum tam privatim quam publice, tum scribentes cum docentes, profiteri valeant, et gravitate ac sinceritate doctrinae commendati, sive in munere magistrorum penes catholicas scholas, sive in officio scriptorum pro catholica veritate vindicanda, eorum dignitatem tueri possint.

Ad eundem finem pertinent ut tum magistri atque alumni Instituto adscripti, tum auditores, tum etiam hospites, qui extraordinarium in Instituto studiorum cursum in disciplinis biblicis proficere cupiant, omnibus praesidiis adiuventur, quae ad studia laboresque in genus opportuna censeantur.

Denique Instituti fine continetur ut sanam de Libris Sacris doctrinam, normis ab hac S. Sede Apostolica statutis vel statuendis omnino conformem, adversus opiniones, recentiorum maxime, falsas, erroneas, temerarias atque haereticas defendat, promulget, promoveat.

Ut Institutum id quod spectat assequi valeat, omnibus ad rem idoneis praesidiis erit instructum.

Quae complectetur in primis lectiones atque exercitationes practicas de re biblica universa. Ac primo quidem loco eae materiae tractandae erunt, quibus alumni muniantur ad faciendum doctrinae suae coram pontificia Commissione biblica periculum. His accedent lectiones atque exercitationes de quaestionibus peculiaribus ex interpretatione, introductione Archaeologia, Historia, Geographia, Philologia aliisque disciplinis ad sacros Libros pertinentibus. Adde tu methodica et practica informatio alumnorum, qua ad disputationes biblicas ratione scientifica pertractandas instruuntur et exercentur. Praeterea publice de rebus biblicis conferentiae adicientur ut communi quoque multorum necessitati atque utilitati prospiciatur.

Alterum summopere necessarium praesidium erit biblica bibliotheca, quae opera potissimum antiqua et nova complectetur necessaria vel utilia ad verum in disciplinis biblicis profectum comparandum, et ad fructuose peragenda ordinaria

doctorum alumnorumque in Instituto studia. Accedet museum biblicum, seu rerum earum collectio quae ad Sacras Scripturas et antiquitates biblicas illustrandas utiles esse dignoscantur.

Tertium subsidium erit series variorum scriptorum, nomine et auctoritate Instituti promulgata, ex quibus alia eruditae investigationibus, alia defendendae circa Libros sacros catholicae veritati, alia spargendis ubique sanis de re biblica doctrinis proderunt.

De constitutione atque ordinatione Instituti quae sequuntur edicimus:

I. Pontificium Institutum biblicum ab Apostolica Sede immediate dependeat eiusque praescriptis legibusque regatur.

II. Instituti regimen nominando á Nobis praesidi cre-datur: hic, commissi sibi muneris vi, gerat Instituti personam, de rebusque gravioribus universis, quae Institutum attigant, ad Nos referat, Nobisque regiminis sui rationem quotannis reddat.

III. Professores ordinarii constituent Instituti consilium, quod una cum praeside provehendis Instituti ipsius bono et incremento operam navabit.

IV. Supremam studiorum et regiminis Instituti normam et regulam principia et decreta constituent per Sedem Apostolicam et pontificiam biblicam Commissionem edita vel edenda. Quae principia atque decreta ut fideliter, integre sincereque servent et custodiant, speciali se obligatione teneri universi intelligant, qui ad pontificium hoc Institutum biblicum quovis modo pertineant atque ad studia biblica in ipso Instituto incumbant.

Quae ad constitutionem atque ordinationem Instituti huius biblici proprius spectent, ea in propriis Instituti legibus, his litteris Nostris adiunctis enucleatius declaramus.

Haec volumus, edicimus, statuimus, decernentes praesentes firmas, validas, efficaces semper existere et fore suosque plenarios et integros effectus sortiri et obtinere, illisque ad quos spectat et in posterum spectabit in omnibus et per omnia plenissime suffragari, sicque in praemissis per quos cumque

iudices ordinarios et delegatos iudicari et definiri debere, atque irritum esse et inane si secus super his a quoquam quavis auctoritate scienter vel ignoranter contigerit attentari. Non obstantibus contrariis quibuscumque.

Datum Romae apud S. Petrum sub anulo Piscatoris, die VII Maii MDCCCXCIX, Pontificatus Nostri anno sexto.

R. CARD. MERRY DEL VAL, *a Secretis Status*.

LEGES

PONTIFICIO INSTITUTO BIBLICO REGENDO

TIT. I.—*De studiis Instituto peragendis.*

1. Peragendorum in Instituto studiorum materia ea in primis est quae ad academicos gradus, a pontificia Commissione biblica conferendos, requiritur. Fas praeterea erit de disceptationibus universis, ad profectum disciplinae biblicae pertinentibus, in Instituti ipsius scholis disserere.

2. Habendae in Instituto scholae triplicis generis sint: lectiones exercitationes practicae, conferentiae publicae.

3. In lectionibus pars aliqua disciplinae biblicae, nec nimis amplis, nec nimis arctis circumscripta limitibus, ratione scientifica alumnus proponatur, ut ita in studiis adiuventur et ad subsequentes labores fructuose exantlandos sedulo instruantur.

4. Practicae exertitationes triplicem habeant sibi propositum finem: *a) quod ad materiam studiorum*, viam sternere ad argumentum aliquod altius noscendum, subsidiis literariis propositis, rationibus illustratis, difficultatibus solutis; *b) quod ad formam*, edocere omnes familiaremque, institutione et usu, reddere scientificam methodum in studiis servandam; *c) quod ad praxim*, exercitationibus viva voce aut scripto habendis, alumnorum quoque excitare activam assiduamque operam eorumque facultates scientificas ac paedagogicas evolvere.

5. Conferentiae publicae occurrant in primis communi multorum necessitati atque utilitati. Hae tamen alumnis etiam instituti multiplicem poterunt fructum afferre, quum rationem

ipsis ostendant disputationes biblicas modo scientifico simul et populari, multorumque intellectui accommodato, pertractandi, suppeditentque provectoribus opportunitatem se practice exercitandi in hoc perutili dicendi genere, hac nostra potissimum aetate summopere necessario.

6. Pro universis biblicis studiis, tam in scholis quam privatim peragendis, Institutum alumnis offeret commodam laborum supellectilem omniaque eruditionis biblicae instrumenta.

TIT. II.—*De regimine Instituti*

7. Regimen Instituti spectat ad praesidem, qui sui muneris vi, Instituti personam gerit.

8. Praeses a Summo Pontifice nominatur, audita relatione Praepositi Generalis Societatis Iesu, qui tres pro eo munere candidatos ipsi proponet.

9. Praesidis adiutor et socius munere fungatur a secretis Instituti, et in rebus ordinariis vices gerat absentis vel impediti praesidis.

10. Pro bibliothecae cura gerenda et ceteris externis rebus ordinandis, bibliothecarius et custos aliique idonei socii designentur.

11. Praeses de omnibus gravioribus Instituti rebus ad Apostolicam Sedem referat, et ipsi Sedi regiminis sui rationem quotannis reddat.

TIT. III.—*De magistris Instituti.*

12. Lectiones, exertitationes et conferentiae certis temporibus habeantur ac dirigantur ab Instituti magistris. Hi vero vel ordinarii professores vel extraordinarii lectores erunt.

13. Professores ordinarii de consensu Apostolicae Sedis per Praepositum Generalem Societatis Iesu nominentur.

14. Lectores extraordinarii, postquam plures per annos in officio docendi se probaverint, ad ordinarii professoris munus, servatis servandis, ascendere poterunt.

15. Magistri omnes etiam extra lectiones atque exertitationes practicas alumnis praesto erunt eosque in disciplinae

biblicae studiis adiuvabunt ac dirigent. Scriptis quoque suis propositum Instituto finem assequendum curabunt, illudque maxime cavebunt, ne in varias ac dissitas doctrinae investigationes abstracti, maturo laborum suorum fructu destituantur.

TIT. IV.—*De celebrantibus Institutis scholas.*

16. Iuvenes studiis biblicis in Instituto operam navantes, ad tres classes pertinere poterunt; nam aut alumni proprie dicti erunt aut auditores inscripti aut hospites liberi.

17. In numerum alumnorum proprie dictorum non admittentur nisi qui sint in Sacra Theologia doctores, cursumque Philosophiae scholasticae integre absolverint. Alumni omnes ita expleant in Instituto regulariter studiorum cursum ut se ad periculum coram pontificia Commissione biblica faciendum parent.

18. Auditores inscribi possunt qui integrum Philosophiae ac Theologiae cursum absolverint.

19. Ceteris studiosis, tamquam hospitiis liberis, ad lectiones audiendas aditus pateat.

20. Alumni atque auditores frequentes assidue esse diligentiamque servare tam in lectionibus quam in exercitationibus Instituti teneantur.

TIT. V.—*De bibliotheca Instituti.*

21. Bibliotheca Instituti ita instruat ut ordinariis studiis atque elucubrationibus tam doctorum quam discipulorum necessaria atque utilia praebeat litteraria subsidia.

22. Quare complectatur in primis opera Sanctorum Patrum maliorumque interpretum catholicorum et praestantiorum acatholicorum de biblicis disciplinis.

23. Peculiari ratione bibliotheca instruat praecipuis operibus encyclopaedicis et periodicis recentioribus ad Biblica pertinentibus.

24. Praeter magistros, Instituti alumni atque auditores ad usum bibliothecae ordinarium prae ceteris admittantur. Ordinario bibliothecae usu sint reliqui interdicti.

25. Quum biblioteca in id debeat maxime inservire ut studia ipso in Instituto peragantur, libros et scripta periodica in alium locum asportare nefas erit.

Ex aedibus Vaticanis, die VII Maii a. MDCCCXCIX.

De speciale mandato Sanctissimi.

R. CARD. MERRY DEL VAL, *a Secretis Status.*

*
* *

Por la Secretaria de Estado de Su Santidad ha sido nombrado Director del nuevo Instituto Bíblico Pontificio el ilustre P. Jonck, de la compañía de Jesús, profesor hasta ahora de Sagrada Escritura en la Universidad de Lovaina. El eminente Jesuita habla español, italiano, francés, inglés, alemán y las lenguas orientales.

Acta Sanctae Sedis

E. S. C. SANCTI OFFICII

17—Agosto—1908

Fórmula para la consagración del clero al Sacratísimo Corazón de Jesús

Domine Jesu Redemptor noster amantissime et Sacerdos in aeternum, non supplices tuos, quos appellare amicos et Sacerdotii tui participes facere dignatus es, propitius respice. Tui sumus; tui perpetuo esse volumus; ideo Sacratissimo Cordi tuo, quod tanquam unicum salutis pertugium laboranti humano generi ostendisti, dedicamus nos hodie totos et addicimus. Tu qui sacerdotibus Cordis tui cultoribus, uberes divini misteriis fructus

promisisti, fac nos quaesumus, idoneos in vinea tua operarios, vere humilis et mites, spiritu devotionis et patientiae plenos, ita flagrantibus amore tui, ut eundem charitatis ignem in animis fidelium excitare et fovere non cessemus. Nostra igitur corda incendio Tui Cordis innova, ut jam nihil aliud studeamus, quam tuam promovere gloriam et animas Tibi lucrare, quas pretioso sanguine redemisti. Miserere, Pastor bone, praesertim Sacerdotum fratrum nostrorum si qui, ambulantes in vanitate sensus sui, Te et dilectam Sponsam tuam, Ecclesiam lacrymabili defecationi contristarunt. Concede nobis ad tuum complexum eos reducere, aut certe ipsorum expiare delicta, resarcire damna, et dolorem, quo Te afficiunt, amoris nostri consolatione minuere. Sine, denique, Te quisque nostrum exoret his Augustini, verbis: O dulcis Jesu vivas, tu in me et concalescat spiritu meo vivus carbo amoris tui, et excrescat in ignem perfectum, ardeat jugiter in ara cordis mei, ferveat in medullis meis, flagret in absconditis animae meae; in die consumationis meae consummatus inveniar apud Te, qui cum Patre et Spiritu Sancto vivis et regnas Deus in saecula saeculorum. Amen

Dilectis utriusque Cleri saecularis et regularis filiis, qui per hanc Consecrationis formulam, Sacratissimo Cordi Jesu pie sesse dedicaverint ac addixerint:

- 1.º *Indulgentiam tercentorum dierum toties quoties.*
- 2.º *Indulgentiam septem annorum in collationibus de divinis, quae singulis anni mensibus fieri solent.*
- 3.º *Indulgentiam Plenariam in fine spiritualium Exercitiorum in Domino concedimus.*

Ex Aedibus Vaticanis, die 17 mensis Sextilis, anno 1908.

PIUS PP. X.

26—Noviembre—1908

Facultoria indulgenciada al Sacratísimo Corazón de Jesús

SSmus. D. N. D. Pius div. prov. Papa X, in audientia R. P. D. Adessori S. Officii impertita, benigne concessit indulgentiam tercentorum dierum, defunctis quoque aplicabilem, ab universis christifidelibus toties lucrandam, quoties corde saltem contriti, jaculatoriam precem *Todo por Vos, Corazón sacratísimo de Jesús*, devote recitaverint. Praesenti in perpetuum valituro absque ulla Brevis expeditione. Contrariis quibuscumque non obstantibus.

ALOISIUS CAN. GIAMBENE, *substitutus pro indulgentiis*
L. † S.

*
* *

26—Noviembre—1908

Decreto concediendo indulgencias á la devoción de los doce sábados que preceden á la fiesta de la Purísima Concepción.

SSmus. D. N. D. Pius div. prov. Papa X, in audientia R. P. D. Adessori S. Officii impertita, universis Christi fidelibus qui duodecim sabbatis haud interruptis ante festum Inmaculatae Conceptionis B. Mariae Virginis, confessi ac S. Synaxi relecti, sive precibus sive piis meditationibus ad honorem eiusdem B. Virginis absque macula originalis culpa conceptae, vacaverint, et ad mentem Summi Pontificis pias ad Deum preces effunderint, plenariam indulgentiam, defunctis quoque aplicabilem, singulis memoratis sabbatis lucrificandam, benigne concessit in perpetuum absque ulla Brevis expeditione. Contrariis quibuscumque non obstantibus.

ALOISIUS CAN. GIAMBENE, *Substituto pro indulgentiis*
L. † S.

*
* *

Gracia á Colegiales y enfermos sobre Indulgencias

Die 14 Januarii 1909.—SSmus. Dominus Noster Pius divina providentia PP. X, in audientia R. P. D. Adresso-ri S. Officii impertita, benigne indulset, ut fideles utrius-que sexus, qui perfectionis studio vel institutionis seu educationis, aut etiam valetudinis causa in domibus eccle-sia vel publico sacello carentibus, de consensu vero Ordi-nario constitutis, vitam communem agunt, nec non perso-nae omnes ad illis ministrandum ibidem commorantes, quoties ad lucrandas indulgentias praescribatur visitatio alicuius ecclesiae in genere, id est non determinatae vel indeterminati alicuius publici oratorii, visitare valeant propriae domus sacellum; in quo obligationi audiendi Sa-cram jure satisfacere possunt, dummodo cetera opera injuncta rite praestiterint Praesenti in perpetuum valituro. Contrariis quibuscumque non obstantibus.—L. † S.—Aloisius Can. Giambene, *Substitutus pro Indulgentiis.*



E. S. C. RITUUM

De usu corollae lignae in altari; de cantu «Tan-tum ergo» deque Eucharistiae asservatione

Sacrorum Rituum Congregationi sequentia dubia opportuna solutione proposita fuerunt, nimirum:

I. Utrum adhiberi possint corollae lignae, quae super tobaleas altarium aras circumcingunt?

II. Utrum, non obstante consuetudine, in functione benedictionis cum SSmo. Eucharistiae Sacramento, liceat, dum exponitur vel postquam expositum fuerit idem SSmum. Sacramentum, statim canere primam stropham

Tantum ergo usque ad *Genitori*, inde Litanias Lauretanas cum relativa oratione, ac tandem alteram stropham *Genitori*, etc?

III. Utrum liceat asservare SS. Eucharistiam in altari baldachinum habente quamvis super illud habeatur habitaculum cum lectulo?

Et Sacra eadem Congregatio, ad relationem subscripti Secretarii, exquisito commisionis Liturgicae suffragio omnibusque accurate perpensis, respondendum censuit:

Ad I. Negative juxta Caeremoniale Episcoporum, lib. I, cap. XII num. 11 (1).

Ad II. Negative juxta Caeremoniale Episcoporum, lib. II, cap. XXXIII, num. 27, (2) et Decretum num. 3 513 *Delegationis Apostolicae Peruvianae*, 15 Aprilis 1880.

Ad III. Negative ex Decreto num. 3.525 *Papien.*, 23 Novembris 1880 ad II.

Atque ita rescripsit, die 24 Januarii 1908.—S. Card. Cretoni, *Praefectus*.—D. Panici, Archiep. Laudicen., *Secretarius*.

* * *

Vicariatus Apostolici Hong-Kong

An, peculiaribus in audiunctis expositis, Sacerdos celebrans et Ministri coram SSmo. publice adoratione ostenso sacra facientes stare vel genuflectere debeant.

Rmus. Dnus. Dominicus Pozzoni, Episcopus tit. Tavian. et Vicarius Apostolicus missionis Hong-Kong, a Sacrorum Rituum Congregatione sequentis dubii, ob maiorem perspicuitatem aliquantulum reformati, authenticam solutionem reverenter expostulavit; nimirum:

(1) Ibi enim legitur: «Nulla coronides lignae circa altaris angulos du. cantur.»

(2) Caeremoniale Episcoporum, Ios., praescribit ut facta SSmi. Sacramenti expositione statim post cantum strophae *Tantum ergo*, etc., addantur strophae *Genitori* et oratio *Deus qui nobis*.

Utrum in functione quae coram Sanctissimo Eucharistico Sacramento publice exposito peragitur, dum, ante hymnum *Tantum ergo*, cantantur alii hymni, vel antiphona *Regina Caeli*, tempori paschali, vel canticum *Magnificat*, per anni decursum, Sacerdos celebrans et Ministri stare debeant an manere genuflexi?

Et Sacra Rituum Congregatio, ad relationem subscripti Secretarii, exquisita Commissionis Liturgicae sententiae, re sedulo perpensa rescribendum censuit: *Affirmative* ad primam partem, *negative* ad secundam.

Atque ita rescripsit die 6 Novembris 1908.—S. CARD. CRETONI, S. R. C. Praefectus.—D PANICI, Arch. Laodicen, Secret.

*
**

Compostellana

*Quaedam solvuntur dubia circa aliquorum instrumentorum
in musica sacra usum*

Hodiernus Rmus. Praeses Commissionis dioecesanae de musica sacra ab Emo. et Rmo. Dno. Cardinali Josepho M. de Herrera y de la Iglesia, Archiepiscopo Compostellano constitutae, a Sacrorum Rituum Congregatione reverenter expostulavit:

I. An in musica sacra organica admitti possit instrumenta oboes, clarinetes, trombones nuncupata?

II. An instrumenta vulgo timbales seu tympanos sint habenda uti fragosa et strepitantia?

III. An eadem permitti possint in musica et orchestra religiosa?

Et Sacra eadem Congregatio ad relationem subscripti Secretarii, exquisita specialis Commissionis de musica et cantu sacro sententia, ita respondendum censuit:

Ad I. Possunt tolerari instrumenta musicae *oboes* et *clarinetes*, dummodo moderate, et obtenta pro quovis opere ab Ordinario licentia, adhibeantur.

Ad II. Provisum est in art. 19 instructionis Pontificiae *de musica sacra*, [29 Novembris 1908; et omnino servetur art. 16. ejusdem instructionis.

Ad III. *Negative*.

Atque ita rescripsit die 13 Novembris 1908.—S. CARD. CRETONI, *Praef.*—D. PANICI, Archiep. Laodicen., *Secret.*

*
*
*

MONIALIUM CONCEPTIONISTARUM

Circa IX lectionem festi currentis, versiculos ad Vesperas et Laudes, ac antiphonam pro II Vesperis in Officio B. M. V. Immaculatae monialibus Conceptionistis concessa.

Quum per rescriptum Sacrae Congregationis Episcoporum et Regularium, d. d. 13 Martii 1905, moniales Conceptionistae in Hispaniae Belgique regnis degentes quotidie per annum legant Officium Immaculatae Conceptionis B. M. V. a sa. me. Pio PP. IX anno 1863 approbatum, exceptis quibusdam diebus, et in praedicto Officio Conceptionis agatur commemoratio festi currentis aliaque de iure facienda iuxta Rubricas; in redactione kalendarii sequentia dubia oborta fuere, quae ipse kalendarii redactor humilliter postulavit ut a S. Rituum Congregatione enodentur:

I. An ex memorato rescripto et Sacris Rubricis fieri possit tantum commemoratio festi currentis absque nona lectione historica?

II. Ad versiculi Vesperarum et Laudum debent assumi a festo Immaculatae vel potius ab Officio votivo eiusdem Immaculatae Virginis a sa. me. Leone PP. XIII concessa d. 5 Iulii 1883, et etiam antiphona pro secundis Vesperis quando occurrunt?

Et Sacra eadem Congregatio, ad relationem subscripti Secretarii, audito Commissionis liturgicae voto, dubiis ut supra propositis respondendum censuit:

Ad I. *Affirmative*, seu posse.

Ad II. *Negative* ad primam partem; *affirmative* ad secundam, exceptis festo et Octava Immaculatae Conceptionis B. M. V.

Atque ita rescripsit, die 4 Decembris 1908.—S. Card. Cretoni, *Praefectus*.—D. Panici, Archiep. Laodicen., *Secretarius*.

*
**

La bendición nupcial no debe darse iuera de la Misa

BELEMEN. DE PARA

Rmus. Dus. Santinus Maria de Silva Coutinho, Archiepiscopus Belemensis de Para, sacrorum Rituum Congregationi ea quæ sequuntur reverenter exposuit:

Jam multis abhinc annis, in archidioecesi Belemensi de Para in Brasilia, consuetudo viget celebrandi matrimonia post meridiem vel sub nocte, quæ magis invaluit post introductam legem civilis matrimonii, quo fit ut coniuges saepissime negligant et omittam, benedictionem nuptialem in Missa alio tempore recipere. Hinc quaeritur: an, attentis expositis, et pro dicta dioecesi, in matrimoniis celebrandis, benedictio nuptialis, prout in Missam pro sponso et sponsa, etiam extra Missam in posterum imperitari possit?

Et sacra eadem Congregatio, ad relationem subscripti Secretarii, exquisito Commissionis liturgicae suffragio, re sedulo perpensa, proposito postulato respondendum censuit: *Negative*.

Atque ita rescripsit, die 12 Februarii 1909.

S. Card. Martinelli; *Praefectus*.

L. † S.

† D. Panici, Archiep. Laodicen., *Secretarius*.



Nueva Concesión otorgada á la Liga Sacerdotal Eucarística

Con sumo gusto copiamos del *Boletín Eucarístico* de Málaga, correspondiente al mes de Diciembre último, la nueva é importante concesión otorgada por Su Santidad Pio X á los miembros activos de la Liga Sacerdotal Eucarística, á más de los extraordinarios privilegios contenidos en el Breve 10 de Agosto de 1906.

«BEATÍSIMO PADRE:

El Director General de la Liga Sacerdotal Eucarística, postrado á los pies de Vuestra Santidad, suplica humildemente que se digne conceder á los Sacerdotes inscritos en la predicha Liga, además de las gracias ya otorgadas, la de bendecir los Rosarios y concederles las indulgencias de los PP. Crucíferos. Que Dios, etc.

EX AUDIENTIA SSMI. DIE 15 SEPTEMBRIS 1908

Ssmus. auditis expositis, benigne annuit pro gratia petita.

Contrariis quibuscumque minime obstantibus.

In quorum fidem...

L. † S.

CASIMIRUS, Cardinalis Gennari.»

Esta gracia que disfrutaban todos los miembros de la Archicofraternidad de Sacerdotes Adoradores, ha querido el Santo Padre extenderla á todos los miembros activos de la Liga Sacerdotal Eucarística; y en su virtud se concede á los que posean dichos Rosarios y recen un *Padre nuestro* ó *Ave María* al pasar cada cuenta, la facultad de

lucrar 500 días de indulgencia, sin que se exija para esto el meditar, ni otro requisito fuera de la recitación del *Padre nuestro* ó *Ave María* tocando la cuenta.

Estas indulgencias solamente se pueden conceder á los Rosarios de la Santísima Virgen.

¿Cómo se bendicen? Sencillamente: basta que el Sacerdote, que goce de este privilegio, haga la señal de la Cruz sobre el Rosario, con intención de aplicarle dichas indulgencias. De suerte, que si hubiere mucho concurso de fieles, podrá un solo Sacerdote aplicar estas indulgencias á todos los Rosarios que los fieles tengan en sus manos, haciendo sobre ellos el signo de la Cruz.

Para usar de esta facultad no necesita el Sacerdote licencia del Ordinario, siendo suficiente el hallarse inscrito en la Liga Sacerdotal Eucarística ó en la Asociación de Sacerdotes Adoradores.

Mas para gozar de este privilegio, como de las demás gracias concedidas, es de todo punto indispensable que los miembros de la Liga Sacerdotal trabajen de algún modo porque se propague la práctica de la Comunión frecuente, y que los Sacerdotes Adoradores cumplan con la hora semanal, ó al menos cuatro mensuales de Adoración ante el Santísimo Sacramento, expuesto ó reservado, que es su obligación fundamental.

El Moderador Diocesano, *C. Escribano*.



Sr. Director del BOLETIN DEL CLERO

Envío á V. S. esta lacónica y mal pergeñada reseña de los actos realizados en este insignificante pueblo de Arenillas de Nuño Pérez en honor al Sacratísimo Corazón de Jesús.

Ya hace algún tiempo, que este católico pueblo viene probando con hechos su acendrado amor al Corazón de Jesús; amor, que no decrece, sino que se acrecienta de día en día, y de año en año. Todos los años, al llegar la fiesta del Sagrado

Corazón el pueblo se ponía en movimiento, comunicando unos con otros lo que habían de realizar en honor al objeto de sus amores; pero este año, puede decirse, que han llegado al colmo.

Han hecho preceder á la fiesta una novena de Misas cantadas con exposición solemne de Su Divina Majestad; por la tarde, ante Jesús igualmente expuesto, háse rezado el Santo Rosario, la letanía del S. C. de Jesús, la novena del mismo, una estación, luego se entonaban cánticos en honor al Santísimo Corazón finalizando con el pange lingua, y lo demás preceptuado por las rúbricas en la reposición del Santísimo. El Templo adornado con exquisito gusto, y el altar mayor ostentábase deslumbrador, por la luz que despedían setenta velas, costeadas por el Párroco, y dispuestas por el mismo con admirable orden.

En el día de la fiesta todos se acercaron á purificarse en las salutíferas aguas de la Penitencia, recibiendo el Pan Angélico en varias Misas rezadas celebradas antes de la mayor, que se celebró á las diez y media, con exposición solemne, y prestes. En ella ocupó la Sagrada Cátedra D. Felix Carriedo, Párroco de Bárcena de Campos, (Palencia), cantando las grandezas del Sagrado Corazón y exponiendo los admirables efectos que obra en las almas que le son devotas.

Por la tarde, á las tres, los mismos actos que durante la novena, teniendo que agregar á ellos la gran procesión con el Santísimo, precedido de las hermosas efigies de los Sagrados Corazones de Jesús y María, habida por las calles del pueblo, que estaban cubiertas de cantueso y flores campes- tres, que despedían grato aroma. Las paredes de los edificios estaban á su vez cubiertas de verde ramaje, y de ventanas y balcones pendían lujosas colgaduras, ofreciendo todo el conjunto un cuadro hermoso y admirable, á la vez que pregonaba bien alto la fé y devoción de este pueblo al Sacratísimo Corazón de Jesús. Derrame ese bondadoso Corazón sobre este pueblo sus gracias á raudales, para que en venideros años, no se desmienta su devoción á Jesús, antes por el contrario

se acreciente aún más haciéndose de este modo acreedores á las gracias prometidas por Jesús á los devotos de su Corazón. Así sea.

Arenillas de Nuño Pérez 29=6=1909.

EMILIO MERINO

Sr. Director del BOLETIN DEL CLERO (León)

Muy Sr. mio: Tengo el gusto de participar á V., que se celebró en esta parroquia la fiesta del Sacratísimo Corazón de Jesús con la solemnidad, que, en las, como esta es posible, concurriendo toda la feligresía al Santo Sacrificio de la Misa y al Rosario, en que se expuso á Su Divina Majestad y se recitó la fórmula de Consagración; distribuyéndose en dicho día y durante todo el mes ciento veinticinco comuniones, no obstante haberse repartido noventa y cinco en el anterior.

Mil veces benditas sean la Asociación del Apostolado de la Oración y la Devoción al Sagrado Corazón de Jesús, puesto que la primera, con su Comunión Reparadora y la segunda (que á aquella vivifica), con su gran promesa, restauran en los pueblos el espíritu Cristiano, despiertan el entusiasmo religioso, disipan los respetos humanos, fomentan la caridad y todas las demás virtudes, que brotan del divino volcán del Corazón de Cristo, las cuales se van posesionando suavemente del alma en cada una de las Comuniones hasta cristificarla, hasta deificarla.

Dichoso el cura que trabaje por medio de estas Devociones pues verá en breve coronados los esfuerzos de su celo por un brillante éxito lo que proporcionará, en medio de las tribulaciones en que abunda su Ministerio, ratos de verdadera satisfacción.

EL SACRISTÁN

Vado de Cervera y Julio 1.º de 1909

Los exámenes extraordinarios tendrán lugar en el Seminario Conciliar de San Mateo de Valderas el día veintiocho del próximo Septiembre; no el veinte como por error involuntario se publicó en el edicto de fecha seis de los corrientes.

Valderas 23 de Agosto de 1909.—Dr. Eusebio Rodríguez.

ANUNCIO

—=—

En casa del Sr. Cura de Bárcena de Pie de Concha «Santander» se encuentra un Breviario Totum encontrado en uno de los coches del Ferrocarril del Norte; si algun Sacerdote lo hubiese perdido puede dirigirse á dicho señor donde le tiene á su disposición.

En la casa de Guillen é Hijo, Valladolid, Santiago, 25, se venden los siguientes objetos que pueden servir para premios á los niños que asistan al catecismo.

Relación de artículos por 10 céntimos

1. Abanicos de papel plisé.—2. Alfileres con santos.—3. Boas de papel plisé.—4. Barajas infantiles.—5. Bebés de china desnudos.—6. Id. vestidos.—7. Id. de cera articulados.—8. Cabezas parlantes con trompeta.—9. Cajas de ratón y gato.—10. Cestas caladas de metal.—11. Collares de coralina novedad.—12. --Cruces de bronce con anilla.—13. Id. de metal esmaltado.—14. Cuadernos grandes con la tabla.—15. Dedales de aluminium.—16. Espejos taurinos cerco nikel.—17. Estuches automáticos con alfileres.—18. Flautas miniatura esmaltadas.—19. Id. corrientes de lata.—20. Id. Mallorquina.—21. Gomas de borrar.—22. Horquillas de celuloide.—23. Imperdibles con piedra novedad.—24. Juegos de 5 canicas de cristal.—25. Lapiceros madera con goma.—26. Id. con tabla de multiplicar.—26. Libritos de cuentos.—27. Libritos marcadores de bordar.—28. Medallas caladas regulina.—29. Pelotas de celuloide listadas.—30. Id. forradas de gamuza.—31. Peinetas de celuloide. novedad.—32. Pendientes novedad.—33. Peonzas de madera.—34. Relojes con cadena.—35. Rosarios miniatura.—36. Silbatos de plomo con anilla.—37. Platillos (chinchines) dorados.—38. Pañuelos floreados de bolsillo.—39. Sortijas plateadas y doradas.—40. Teatros plegables de cartón.—41. Tortugas mecánicas.

Relación de artículos de 15 céntimos

1. Abanicos fantasía formando hojas.—2. Armónicas con música.—3. Automóviles de carrera.—4. Id. para viajeros.

- 5. Baños de lata dorada.—6. Baules de madera.—7. Barajas infantiles de lujo.—8. Bebés de celuloide miniatura.—9. Id. de cera vestidos.—10. Borrachos permanentes.—11. Botijos de lata esmaltada.—12. Burros de lata con ruedas.—13. Cajas metálicas Ciclistas.—14. Canicones de cristal.—15.—Cañones de lata con ruedas.—16. Castañuelas de madera.—17. Cestas de paja con madroños.—18. Id. de lata con tapa.—19. Clowns de cera con goma.—20. Coches de lata con caballo.—21. Collares turquesa novedad.—22. Cruces de bronce con anilla.—23. Devocionarios pasta cartón.—24. Dijes de cristal con anilla.—25. Id. con fresas.—26. Dijes forma libro con santos.—27. Enlaces misteriosos.—28. Equilibrista americana.—29. Espejos cerco nikel con cadena.—30. Flautas grandes mallorquinas.—31. Guirnal-das redondas.—32. Guitarras malagueñas.—33. Heladoras doradas.—34. Huchas de lata esmaltada.—35. Id. de madera con llave.—36. Juego de 5 canicas de cristal.—37. Id. de hélice voladora.—38. Lapiceros gigantes de madera.—39. Id. nikelados forma plana.—40. Id. id. 2 usos.—41. Látigos novedad.—42. Lupas nikeladas con mango.—43. Marcadores para bordar.—44. Medallas de aluminium novedad.—45. Medidas en estuche de hueso.—46. Nadadores de celuloide.—47. Id. de biscuit.—48. Navajas forma pez.—49. Niños con caballo sirena.—50. Panderetas taurinas miniatura.—51. Pañuelos de jaretón.—52. Peces de celuloide.—53. Peonzas de madera.—54. Id. de metal.—55. Pelotas aéreas con espiral.—56. Id. de celuloide listadas.—57. Id. naranja de celuloide.—58. Peinetas celuloide novedad.—59. Pendientes de dublé.—60. Pilas de lata dorada.—61. Pistolas de plomo.—62. Platillos (chinchines) dorados.—63. Portamonedas miniatura.—64. Pulseras elásticas novedad.—65. Relojes dorados con cadena.—66. Revotinas con música.—67. Rosarios de coco.—68. Ruedas musicales.—69. Serpentinatas relámpago.—70. Silbatos dorados automóvil.—71. Id. id. máquina.—72. Id. id. bola.—73. Sombreros de picador.—74. Sortijas novedad.—75. Regadoras de lata esmaltada.—76. Tiros al blanco.—77. Trompetas de la India.—78. Id. mamá.—79. Trompetas Sansón.—80. Id. con boquilla metal.—81. Vasos de lata esmaltada.